



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCI. Ioannis Papae VIII. Ad Photivm Patriarcham
Constantinopolitanvm. Photium patriarcham Constantinopolitanum
constituit, dummodo in Synodo veniam postulet. decernit ne deinceps
vllus e ...

urn:nbn:de:hbz:466:1-15967

EPISTOLA CCI.
IOANNIS PAPÆ VIII.

AD PHOTIVM PATRIARCHAM
CONSTANTINOPOLITANVM.

Photium patriarcham Constantinopolitanum constituit, dummodo in Synodo veniam postuleat. decernit ne deinceps ullus e laicis in eadem ecclesia statim episcopus ordinetur. iubet Bulgaricam dicecesin ecclesiarum Romanarum restitui.

Photio patriarchæ Constantinopolitano.

EXPERIENTIA tuae prudentiae literis pontificio nostro delatis satis vberitim comperta, altitonantem Dominum, piissimas ei grates agentes, laudauimus, qui postulatus dat omnibus sapientiam, & in domo faciens vnanimes habitare, saluat omnes in se sperantes, & protegit se in veritate quarentes, qui que neque probos, reos, neque facit pios, tyrannos: tamen iuste iudicans, beatis quibuslibet aeterna premia, & infelicibus, reseruato interim pœnitutinis tempore, nisi resipuerint aeterna confert supplicia. Prædictis quoque literis præconia nostra legentes, affectum tuum cognouimus, & quam sis nunc erga nos deuotus, satis euidenter reperimus: verum in quo nostra merita non suffragantur, Deo dimittimus; & in quo nos humanis laudibus quicumque mortalium eleuare conantur, fragilitatem naturæ nostræ cum summa formidine, eodem Deo præ oculis habito, contemplamur. Scimus enim, ipso dicente, *quia qui se exaltat humiliabitur, & qui se humiliat exaltabitur.* Matth. 23.

Hanc epi-
stolam
Photius lo-
cisi infra no-
tatis cor-
rupit.

Quod dicitur autem, sanctam Constantinopolitanam ecclesiam in te conuenire, teque priuatam sedem recipere: missos vero nostros tecum minime consecrare: de adunatione omnium Deo gratias agimus; sed missis nostris ideo de hoc mandatum non dedimus, quia nil certitudinis, quater ipsa sedes haberet, antea comprobauimus. Nunc vero, sicut de pace & adunatione ipsius ecclesiae valde gaudemus, ita & de diffensione nolentium acquiescere contristamur, *quia Salomone testante, quasi peccatum ariolandi est.* Reg. 15.

*leg. Sa-
mæle
mur, quia * Salomone testante, quasi peccatum ariolandi est.

repugnare, & sicut genus idolatriæ nolle acquiescere.

Concil. Tom. 24.

Gg

[†] Ita de cō-
fusenda se-
de aposto-
lica Photius
deturcavit
in sua trans-
latione.

Verum [†]super receptione priuatæ sedis nos debuimus ante consuli. Tamen quia obeunte fratre & coepiscopo nostro Ignatio, te Constantinopolitano throno præsidere audiuimus : tantum ut pax augeatur, & iurgia cessent, multimas Deo gratias agimus. Tu autem omnium mentes demulcens, omnes paternis vlnis amplectere, omnes dispersos congregare non definis, omnes colligere solicite stude ; quia sicut sanctus papa Leo magnus scribit, sedis apostolicæ, inquiens, moderatio hanc temperantiam seruat, ut seuerius agat cum obduratis, & veniam cupiat præstare correctis.

[†]Hæc de
misericor-
dia quæren-
da coram
Synodo,
abutuit
Photius, hic
& alias infe-
rius.

[†]Hæc qua-
tuor verba
itidem de-
curtauit
Photius.

Et cum non sit reprehensibilis erga correctum quantumque miseratione, si satisfaciens coram Synodo [†] misericordiam secundum consuetudinem postulaueris, ac si euidenti correctione vtaris, & peritia non obliuiscens, nullius damna moliaris, quin potius auxilia eorum, qui tibi non velle consentire dicuntur, studiose dissolueris, eosque suis ecclesiis & honoribus restitueris : & si, quia spiritalis filius noster Basilius Christianissimus imperator apud nos prote multis precibus interuenit, omnes uno voto, uno consensu & una concordia in tua restitutione conuenerint : veniam pro pace sanctæ Constantinopolitanæ ecclesiæ tibi concedimus, communionem quoque & gradum, coram [†]Synodo misericordiam quærendo, nihilo minus reddimus, & ut sanctæ Constantinopolitanæ ecclesiæ præesse debeas, consentimus, ita tamen ut deinceps de laicis in eadem ecclesia episcopus contra sanctorum patrum statuta nullatenus ordinetur, & omnis illa mala consuetudo abinde penitus amputetur, iuxta capitulum quod super hac re in venerabili Synodo, tempore scilicet successoris nostri Hadriani iunioris papæ Constantinopoli habita, est congruentissime promulgatum.

Reliqua vero, quæ literæ tuæ a nobis fore censenda, exceptando, dato commonitorio nostris legatis, Petro venerabili presbytero cardinali nostro, deliciosisque consiliariis nostris quædam scriptis, quædam autem verbis iniunxi- mus, qui iuxta censuram nostri apostolatus instructi de omnibus, cuncta, Deo præ oculis habito, contemplantes, & admittenda vbi fas est admittere studeant, & corrigenda sub æquitatis libramine corrigant.

Præterea sicut vestra pars suum velle conatur accipere,
ita & [†] nos diœcesin nostram Bulgariam, quam apostoli-
cæ recordationis sanctissimique domini papæ Nicolai cer-
tamine sedes apostolica recepit, ac Hadriani æque beatissi-
mi præsulis tempore possederat, summa nobis celeritate
restitui volumus, & de cetero omnem ordinationem ec-
clesiasticam ab ecclesiæ Constantinopolitanæ præsulibus
in eadem diœcesi Bulgarica, auctoritate apostolica ampu-
tamus; ipsos autem ordinatos ibidem episcopos, & om-
nes alios inferioris ordinis clericos, ut inde se subtrahant,
& ab inuasione Bulgaricæ nostræ diœcesis se omnino com-
pescant, decertare procores. Quibus si tu aut pallium de-
deris, aut quamcumque illis ordinationem feceris, vel
donec nobis obedient, cum eis communicaueris, pari ex-
communicatione cum eis teneberis annexus.

NOTA.

** Epistola C C I.] Hæc est altera quam a pontifice Ioanne VIII. ac-
ceptam Photius a se Græce translatam, & ad perfidiam suam occul-
tandam addendo, mutilando: subtrahendo & expungendo in Pseu-
dosynodo sua octaua legi ac promulgari fecit.*

Porro ille sciens quanta inesset in apostolicis literis auctoritas, le-
cturus cum esset eas in Synodo, ad persuadenda quæ vellet, addidit
& abstulit pro arbitrio quæ sibi sunt visa. Quænam autem ista fue-
rint, ex recitatione ipsius epistolæ ex secunda eiusdem actione de-
promptæ, Latinitatique ab eodem Metio redditæ, satis intelliges. sic
enim se habet.

*Ioannes episcopus seruus seruorum Dei Photio sanctissimo fratri &
commisistro patriarchæ Constantinopolitanæ ecclesiæ.*

SAPIENTIAM & prudentiam fraternitatis tuæ in tuis li-
teris cum perspexerimus, instar [†] tonitruï cælitus mis-
siæ Deo resonantem & omnes terminos terræ suo strepitu
replentem, pias Deo gratias & excelsas laudes retulimus,
qui omnibus potentibus iuxta eorum petitionem largitur
sapientiam, & qui habitat in concordia domo, & fouet
& protegit omnes qui in veritate spem suam in ipsum
collocant: quia quique nec malos in finem reiicit, neque
bonos ut in tyrannidem aliquam incident, supra eorum vi-
res permittit, sed potius iustitiae æqualitate, ac iudicio-
rum æquilibrio omnes res humanas dirigit, & feliciter

Concil. Tom. 24.

Gg ij

[†]Hæc de
Bulgarica
diœcesi de-
truncavit
Photius
omnino.

[†]Photius
versipellis
flebat in
laudem
suam quod
in Deilau-
dem Ioan-
nes dixerat
de altito-
nante Deo.

ducit. Et beatus ille qui alacri animo, præsenti tempore per poenitentiam lapsos erigit: in cælis enim iste thesauros sibi thesaurizat: hic etenim in hac felicitate permanens, fruetur sempiternis futuris bonis, cum reuelabitur futura gloria. Tuas itaque prædictas humanissimas literas cum accipissimus, & laudes nimias quib[us] nos exornas, & qua animi alacritate erga nos te habes, agnouimus, & quomodo pie & fane te geris: licet laudes quas nobis tribuis, longe a nobis absint. cum enim mortalem & mutabilem naturam naæti simus, non sunt laudes satis tutæ: & magno timore afficimur illius videlicet qui omnia videt, & omnia prospicit, tum occulta tum aperta, ne aliquo paæto aliter ab hominibus nos habitu, aliter in conspectu Dei reperiamur, & pro veris laudibus & optata gloria perpetuum dedecus lucremur. Sed hæc permittamus interea Deo, qui nouit omnia, & quem nihil nostrum latet. Nouimus enim ipsum dicere: *Qui se exaltat, humiliabitur.*

Matth. 23. Scripsisti nobis, quod sanctissima Dei Constantinopolitana ecclesia in te recipiendo, concors & vñanimis facta est: & quod † sedem recepisti, quæ tua erat, & qua fueras orbatus. his de rebus de ecclesia videlicet, & de tua restituzione, qua es ad propriam sedem restitutus, Deo ex corde, & pro virili gratias agimus. Habebant etiam literæ pietatis tuae quod nostri legati noluerunt quamprimum tibi comministrare. Et hoc factum dicimus, quia nondum illis permisferamus, vt ea facerent, quæ præceperamus. Si enim mandatum nostrum habuissent, nulla ipfis fuisset dubitatio, nec alicuius mœstitiæ causam pietati tuæ præbuissent. Nec nos satis certi eramus de fraternitate tua, quod ad tuam sedem te Deus restituisset, & iam ipsam obtinuisse: si enim hoc resciuissemus, misissemus procul dubio, vt par erat, gratulaturi tibi pro tua sedis receptione. † Ne igitur interea iniquo feras animo: quod enim antea defuit, iam ex superabundantia completum est.

^{† Aliqua addit, & de truncat aliqua, quæ superius notatum de consulenda apostolica fide aliis.} Didicimus præterea, quod sunt inter vos nonnulli schismatici, qui non quiescunt, sed in vanum laborant, & certamen diabolicum certant, iuxta prophetam dicentem: Diuisi sunt contriti, vt euellant & euertant ad se nonnullos simpliciores. Et quemadmodum gauisi sumus pro tua restitutione, quam Deus operatus est, & vñione facta ecclæ-

six: ita tristati sumus pro schismaticorum illorum interitu.

Tu [†] vero qui præstas sapientia & prudentia & gratia a ^{† Ita de laudibus suis Photius addidit.} Deo tibi largita, (quid enim habes quod non acceperisti? & si omnes tibi deuincire humanitate contendas eos, qui a te procul sunt segregati & dispersi, misericordiæ viscera illis aperiendo, & benignitate illos complectendo, simul congregare ne graueris: vt, quemadmodum sanctissimus papa Leo magnus scribit, eos qui querunt humiliari in conspictu Dei, & vñionem vobiscum querere, suscipiamus. Sicut econtra aduersus eos qui duro sunt corde, fortitudine & constantia & patientia illos vincamus, duritiae etiam cordis illorum obsistamus. Similiter illis qui poenitentiam querunt, quæ lapsos subleuat, manus adiutrices præbeamus. Non enim est desperatio poenitentibus, & potentibus misericordiam non est confusio.

Quapropter fraternitatem tuam rogamus, vt Christi mores imitando, præcipue vero eius humilitatem quam sustinuit pro salute generis nostri, non te [†]pigeat in Synodo prædicare Dei erga te misericordiam & auxilium, nec non sanctissimæ Romanorum ecclesiæ protectionem & tutelam, & laborem, quem pro tua dilectione sustinuit, vt hoc pacto ædifices omnes pro communione nostra & animorum nostrorum concordia. Quandoquidem quæcumque ab illa petiisti, obtinuisti etiam. Et sicut illi mos est, vt omnibus qui iniuste patiuntur opem ferat, ita eius auxilio tu non caruisti, sed diuina ope & huius sanctæ sedis labore & studio ad sedem tuam es restitutus.

Quapropter rationi congruum duco, vt huius consueti auxili nec non benignitatis, quam ipsis operibus singulis diebus experiris, de illa in omnem terram sonum emittere non obliuiscaris, sed etiam ipsam sequere, & instar illius nulli damnum inferas, nec aliquem a visceribus misericordiæ tuae repellas. Si qui usque adhuc vñionem cum tua pie-tate amplecti noluerunt, neque tecum conuenire, ne defistas, sed potius laborem & certamen sustine, cum docendo, tum etiam sermocinando, & longanimi admonitione, nec non alaci & beneuolo vultu, vt iuxta Apostolum, vel omnes vel plerosque lucrari studeas, & tibi conciliare; ac per te ipsi Deo accedentes, illos ad te, & per te ad Deum

Gg iii

[†] Ioannes non ita habet, sed vt ipse misericordiam coram Synodo posse fuisse. quæ Photius sustulit hic & inferius collide admodum.

suscipere dignare. Sacerdotales etiam honores, & eorum ecclesias illis restitue.

Et quemadmodum spiritalis filius noster imperator Basilius pro te nos rogauit, & nos eius petitioni rationabili & iusta & Deo grata obsequentes, fecimus cum tua pietate, quod imperator petierat: eodem pacto te rogamus, vt tu etiam obliuiscaris malorum quæ aduersus te commiserunt, qui a te fuerant abalienati. † Qui si reuertantur ex corde, tua pietas honore insignita apertis vlnis illos recipere dignet, vt omnes feliciter consentientes, ad conversionem & restitutionem tuæ sedis commune gaudium & diem festum & lætitia peragamus.

Hoc etiam rogamus fraternitatem tuam, vt nobiscum decernas, vt in posterum nullus sacerdotalis ex tempore ad pontificalem sedem assumatur, sed secundum gradum & ordinem procedens, & proprium vnuquisque in suo gradu progressum virtutis ostendens, ita pontificalis sedis gradum obtineat. Qui enim aliter ascendit, ecclesiasticis nostris Canonibus contraria facit. Et volumus morem hunc, qui non est probandus, ab initio in vestra ecclesia inuentum, in posterum irritum abolere. Hoc † autem dicimus iuxta Canonem editum in Synodo tempore Hadriani sanctissimi papæ & Tarasii beatæ memorie patriarchæ Constantinopolitani.

Synodum † vero contra pietatem tuam ibidem habitam irritauimus & annullauimus, imo & abiicimus, tum propter alia, tum etiam quod beatus papa Hadrianus prædecessor noster illi non subscripsit. Reliqua vero omnia de ecclesiasticis rebus quæ tua epistola nobis insinuauit, scribere omittimus, quoniam de illis in commonitorio scripsimus, cui etiam subscrisimus omnes pro tua restitutione, & illud Petro religiosissimo presbytero cardinali & legato nostro dedimus, quem misimus, & vna cum Eugenio & Paulo religiosissimis episcopis legatis nostris Dei timorem pra oculis habentes, & suam conscientiam immaculatam conseruantes, omnino vobiscum faciant, quæ vestra ecclesia conferre nouerint. Deus te conseruet usque ad finem, dilecte frater reuerendissime & comminister noster.

Ecce tu iam vidisti, & conferens utraque exemplaria cognouisti, lector, quo tamdem progressa impostoris audacia, & ausa sit falsarii

† Detruncavit hic iterum quæ Ioannes habet in sua epistola de querendo misericordiam contra Synodo.

† Hic falsarius & impostor astutissime converuit ad Hadrianum primum quod dixit Ioannes de Hadriano II. fatis exprefse. At id ea de causa ab eo factum, quod per illa verba Ioannes probare significaret Synodum octauam sub Hadriano habitam iuniori. † De abrogatione Synodi contra Photium facta nihil penitus in literis Ioanni appofuit haec impostor, ut quasi apo-

animosa procacitas, vt tribus versibus istis ad epistolam Ioannis vltimo loco additis, tantam molem illam, oecumenicam, inquam, octauam Synodum, quam occidens & oriens, pontifex & imperator una cum episcopis & magistratibus tanto labore sunt conati erigere & stabilire, quantum in ipso fuerit, Photius mendaci stylo sit demilitus. Ut plane iterum repetendae, quin & aliae innumeræ sint agentia Deo gratiæ, quod ad tam immane periculum euitandum, & immensum scandalum anteuerendum, voluerit diuina prouidentia remanere integra exemplaria Ioannis epistolarum, vnicum remedium ad falsitatem hominis perditissimi arguendam & imposturam apriendam. Quo nomine pariter, vt vidimus, & ipse de quo egimus, pontifex Nicolaus summas gratias Deo rependit, quod ad conuincendas falsitates eiusdem Photii in suis literis impudenter admixtas, earum exemplaria Romæ seruauerit, sic dicens in epistola ad Mihælem imperatorem: *Verumtamen nos quomodocumque falsitati vel depravationi eadem sit epistola submissa, grates innumeræ agimus Deo, cuius inspiratione & fidelia illius exemplaria penes nos retinuimus, & cuius permisso qui hac vel authenticam ipsam scripsere, superesse noscuntur. hæc ipse.* Sed nos dupliciter Deo gratias rependere obligamur, & quod Ioannes, sicut & Nicolaus, missarum a se literarum exscripterit & retinuerit exemplaria, & quod eadem cum codice, quem regestum vocant, sint in hanc diem in Vaticana bibliotheca integræ post tot naufragia Romanæ ecclesiæ conseruata; vt quod earum translatio facta per Photium fraudulenter posset argui falsitatis, cum in multis aliis, tum in iis, quæ operatus est ad demolliendam funditus oecumenicam octauam Synodum, tam quod citationem eiusdem Synodi octauæ sub Hadriano habitæ, qua conuincitur eam recipere & comprobare Ioannem, omnino erasit atque penitus aboleuit; quam etiam quod disertis verbis addiderit, ab eodem Ioanne pontifice iam illam prorsus damnatam, irritam, vt ait, ac nullam redditam esse.

In hoc ipsum enim totus incubuit homo profanus, vt aduersum se collectam oecumenicam Synodum, in qua cubitalibus literis, vt ita dixerim, eius scelera multiplicitate notata essent, abolendam, extinguendamque penitus, vt nec nominaretur amplius, laboraret. Sed & quod sciretur testificatione historicorum Græcorum, tum Latinorum, octaua Synodus oecumenica celebrata esse Constantino poli: ipse eodem in loco haberi, eodemque quoque nomine appellari voluit suam Pseudosynodum, quam supponeret pro legitima octaua oecumenica habita per Hadrianum, usus ad decipiendos omnes recitatis superius ad ipsum scriptis, sed ab ipso falsatis literis Ioannis papæ, ex quibus pariter detegas alias eiusdem nebulonis versutissimi imposturas. Quamuis enim idem Ioannes pontifex, tum in ipsa epistola ad Photium scripta, tum in recitata superius ad imperatorem citando dictam oecumenicam Synodum, vt dictum est, eam visus est comprobasse; & nihilo minus in additamentis Photii idem ipse eius damnator asseritur: non ista ipsi satis sunt visa, sed & ab illo

falsatum est commonitorium ab eodem pontifice datum Petro legato. De quo infra in notis Concilii Romani sub Ioanne VIII.

EPISTOLA CCII.

IOANNIS PAPÆ VIII.

AD CONSTANTINOPOLITANOS.

Iubet eos schismate sedato ad ecclesiæ vnitatem redire,
& Photio communicare.

*Eximiis viris Ioanni, Leoni & Paulo patriciis, atque Stiliano,
Ioanni, & Metrophani reuerendissimis metropolitis,
& ceteris sacerdotibus, seu cuiuscumque
ordinis clericis, seu laicis.*

Iohann. 21.
OMNIVM ecclesiarum Dei secundum Apostolum sollicitudinem habentes, & pastoris gregis dominici nobis in ipso apostolorum principe curam commissam gerentes, Domino dicente: *Si diligis me Simon Petre? pasc me oves meas*, condolemus vobis: quoniam multis iam labentibus annis usque ad præsens, in discordia diuisione, & in scandalorum perturbatione vos videmus promptos manere, nec per caritatis custodiam ad vnitatem ecclesiæ velle reuerti. Quam videlicet vnitatem qui non tenet, Dei legem non tenet, Patris & Filii fidem non tenet, vitam non tenet, nec salutem. Hoc denique vnitatis sacramentum, hoc concordia vinculum inseparabiliter cohærens ostenditur, quando in euangelio tunica Domini nostri Iesu Christi non diuiditur omnino, nec scinditur, sed sortientibus de veste Christi quis potius Christum indueret, integra vestis accipitur, & incorrupta, atque indiuisa tunica possidetur. Possidere enim non potest indumentum Christi, qui scindit & diuidit ecclesiam Christi. Quis ergo sic sceleratus, & perfidus? Quis sic discordia furore vesanus? Quis aut credat scindi posse, aut audeat scindere vnitatem Dei? vestem Domini? ecclesiam Christi? Monet ipse in euangelio suo dicens: *Et erit unus grec, & unus pastor.* Apostolus autem Paulus hanc eamdem nobis insinuans vnitatem, hortatur dicens: *Obsecro vos per nomen Domini nostri Iesu Christi, ut idipsum dicatis omnes, & non sint in vobis schismata: statim autem perfecti in eodem sensu, & in eadem senten-*

11a.
*Iohann. 16.
1. Cor. 1.*